



ЛЕНИНЭНЬ КИЯВА

1941 ие
И Ю Л Е Н Ъ
4-це чи
75 (1371) №

ЛИСИ: 11-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

Оборонань Государственной Комитетэнь Председателентъ И. В. Сталинэнь радио вельде выступлениязо 1941 иень июлень 3-це чистэ

Ялгат! Граждани! Братт ды сазорт! Минек армиянь ды флотонь боецт! Тыненк обращаюсь мон, монь друзян!

Минек родинанть лангс гитлеровской Германиянь вероломной военной кавомазо, кона ушодовсь июнень 22-це чистэ, — яла моли. Якстере Армиянь героической сопротивлениязо лангс атак вано, сень лангс атак вано, што врагонь сехте вадра дивизиятне ды сонзэ авиациянь сехте вадра частне уш тапазъ ды муйсть эстет калмо сражениянь паксятнесэ, врагосв яла эци икелев, кучни фронтов од вийть. Гитлеровской войскактенень удалась саемс Литванть, Латвиянь зярышка пельксэнзэ, Белоруссиянь западной пельксэнзэ, Западной Украинань пельксэнзэ. Фашистской авиациясь келейгавты эсензэ бомбардировщиктнень действиянь районтнень, бомбардирови Мурманскоенть, Оршанть, Могилевонть, Смоленскоенть, Киевонть, Одессанть, Севастополенть. Минек Родинанть теевсь серьезной опасность.

Кога мог теевемс, што минек славной Якстере Армиясь макснзе фашистской войскактенень зярыя минек оштенень ды районтнень? Неушто немецко-фашистской войскактне алукс аштить а изнявикс войскаке, кога теде атак лоткесе пизнить кенгелиця фашистской пропагандистнэ?

Нама, арась! Историясь невтни, што а изнявикс армият арась ды арасельткак. Наполеононь армиянь ловеть а изнявиксэкс, но сонзэ переменкой тапсизь русской, английской, немецкой войскактне. Васенце империалистической войнань шкастонть Вильгельмань немецкой армиянь истя жо ловеть а изнявикс армиякс, но сонензэ зярыаксть тейнестъ поражение русскои ды англо-французской войскактне ды меельцекс тапсизь англо-французской войскактне. Текенъ жо эряви евамс Гитлерэнь неень немецко-фашистской армиядонть. Те армиясь эзь вастне еще серьезной сопротивлениа Европань континентсэнтъ. Ансяк минек территориянь лангсо вастсь сон серьезной сопротивлениа. Ды бути те сопротивленианть результатсо немецко-фашистской армиянь сехте вадра дивизиятнень тапинзе минек Якстере Армиясь, то те значит, што гитлеровской фашистской армиясь истя жо может улеме тапазъ ды ули тапазъ, кога ульнестъ тапазъ Наполеононь ды Вильгельмань армиятне.

Мезе савкшны седе, што минек территориянь пельксэнзэ яла теке сазизь немецко-фашистской войскактне, то те толковави сехте пек сеньсэ, што СССР-нть каршо фашистской Германиянь войнась ушодовсь выгодной условиясо немецкой войскактнень туртов ды аволь выгодной условиясо советской войскактнень туртов. Тевесь сеньсэ, што Германиянь войскактне, прок масторонть, кона вети война, ульнестъ уш целанек мобилизовавозь, ды 170 дивизиятне, конатнен Германиясь кучинзе СССР-нть каршо ды шаштынзе СССР-нь границатненень, ульнестъ целанек анокчинь состоянияс, учость ансяк сигнал выступленианть туртов, сестэ кога советской войскактенень эрявсь еще мобилизовавомс ды шаштомс границатненень. Аволь вишкине значениязо ульнестъ тесэ се обстоятельствоантькак, што фашистской Германи-

ясь атак учо ды вероломнойстэ, кользе ненападениядо пактонть, кона теезъ 1939 иестэ сонзэ ды СССР-нть ютксо, сень атак лово, што сонзэ весе мирэсь ловсы нападающей ёнксокс. Чарькодеви, што мирэнь вечкиця ми-



нек масторось, кона эзь бажа сайнемс эсь лангсонзо пактонть коламонь инициативанть, не мог арамс вероломствованть кинть лангс.

Могут кевктемс: кога мог теевемс, што Советской правительствась молись ненападениядо пактонть теаманть истят вероломной ломатнень ды извергтнень марто, кога Гитлер ды Риббентроп? Арасель ли тесэ нолдазь Советской правительстванть ёндо ильведекс? Нама, арась! Ненападениядо пактось ашти кавто государстватнень ютксо мирдэ пактокс. Самай истямо пакт предложил минек Германиясь 1939 иестэ. Мог ли Советской правительствась отказамс истямо предложенианть эйстэ? Мон арсян, што мирэнь вечкиця вейкеяк государствась не может отказамс мирной соглашениянть эйстэ шабрань державанть марто, бути те державанть прятво аштить натой истят извергт ды людоедт, кога Гитлер ды Риббентроп. Ды те нама вейке неременной условиянть пингстэ — бути мирной соглашениясь а витьстэ, а ковенна а токшесы мирэнь вечкиця государстванть территориальной целостностензэ, независимостензэ ды честензэ. Кога содазь, Германиянь ды СССР-нть ютксо ненападениядо пактось ашти самай истямо пактокс.

Мезе выиграла минь, Германиянь марто ненападениядо пактонть теезъ? Минь обеспечинек минек масторонть мир омбоце пель иень перть ды отпоронть туртов эсенек вийтнень анокстамонь возможность, бути фашистской Германиясь пактонть лангс атак вано, смелгадоволь бу каявомс минек масторонть лангс. Те определенной выигрыш минек туртов ды проигрыш фашистской Германиянь туртов.

Мезе выиграл ды мезе проиграл фашистской Германиясь, кона вероломнойстэ сезизе пактонть ды тейсэ нападения СССР-нть лангс? Тенъсэ сон добовась кой-кодамо выигрышной положения эсензэ войскактнень туртов нурька шкас, но сон проиграл политичес-

ки, разоблачил эсь прятно весе мирэнь сельмензэ икеле, прок кровавой агрессор. Арась а кемема сеньсэ, што Германиянь туртов те аволь кувака шкас теевезь военной выигрышесь ашти ансяк эпизодокс, СССР-нть туртов покшток покш политической выигрышесь жо ашти серьезной ды кувакашкань факторокс, конань коряс должны виевгадомс Якстере Армиянь решительной военной успехензэ фашистской Германиянь каршо войнасонть.

Вана мекс весе минек доблестной Армиясь, весе минек доблестной Военно-Морской Флотось, весе минек летчиктнесокоитнэ, минек масторонь весе народтнэ, Европань, Американь ды Азиянь весе сехте вадра ломатне, меельцекс, Германиянь весе сехте вадра ломатне — сюдыть германской фашистнень вероломной действиясь ды седей марить Советской правительстванть, швыть Советской правительстванть поведениязо ды неить, што минек тевенек виде, што врагось ули тапазъ, што минь должны изнямс.

Минек каршо ушодовозь войнанть кувалма минек масторось кундась смертельной схваткас эсензэ сехте кежев ды коварной врагонть каршо — германской фашизманть каршо. Минек войскактне героически турить врагонть каршо, кона прядо-пильгс вооруженной танкасо ды авиациясо. Якстере Армиясь ды Якстере Флотось, пек ламо статиктнень изняизь, самоотверженнойстэ турить Советской модань эрва панксентъ кис. Бойс совсить Якстере Армиянь главной вийтне, конат вооруженнойть тыщат танкасо ды самолетсо. Якстере Армиянь воинтнень храбростэ — беспримерной. Врагонтень минек отпоронк кемелгали ды касы. Якстере Армиянь марто вейсэ Родинанть защитас стякшны весе советской народось.

Мезе эряви сень туртов, штобу истожамс опасностень, кона теевсь минек Родинанть вельксэ, ды кодат мерат эряви примамс сень туртов, штобу громамс врагонть?

Икелевгак эряви, штобу минек ломатне, советской ломатне чарькодевлить опасностень весе покшчинзэ, кона грози минек масторонть, ды отказавольте благодушиянть эйстэ, беспечностень эйстэ, мирной строительствань мельтнень эйстэ, конат допрок чарькодевикс войнадо икелень шкастонть, но пек зыяновт неень шкастонть, зардо войнась юрнэк лиакстомтызе положенианть. Врагось кежев ды неумолимой. Сон аравты эсензэ целекс саемс минек модатнень, конат валозь минек ливезьсэнек, саемс минек сюронть ды нефтанть, конат добовазь минек трудсонок. Сон аравтни эсензэ целекс одов аравтомс помещикень властенъ, одов аравтомс царизманть, кавалтомс русскоитнень, украинцтнень, белорусстнень, литовецтнень, латыштнень, эстонцтнень, узбектнень, татартнень, молдавантнень, грузинтнень, армянтнень, азербайджанецтнень ды Советской Союзонь лия свободной народтнень национальной культурист ды национальной государственностэ, теамс сынст немецекс, теамс сынст немецкой князень ды барононь рабокс. Тевесь моли, истямо ладсо, Советской государстванть эрямодонзо ды куломдонзо, СССР-ань народтнень эрямодост ды куломдост, седе — улеме Советской Союзонь народтнень свободнойке, или понгомс

порабощениясь. Эряви, штобу советской ломатне чарькодевлить тень ды лоткавольте беззаботнойке улемадост, штобу сын мобилизовавлизь эсь прят ды аравтовлизь весе эсест роботаст од, военной ладе, кона а соды пощада врагонтень.

Эряви, седе тов, штобу минек рядтнэсэ аволь уле тарка нытиктненень ды трустнень, паникертнень ды дезертиртнень, штобу минек ломатне авольте сода пелема бороцямосонть ды самоотверженнойстэ молевельте фашистской поработительтнень каршо минек отечественной освободительной войнанть. Великой Ленин, кона создал минек Государстванть, кортась, што советской ломатнень основной качествакс должен улеме храбростесь, отвагась, бороцямосонть пелемань а содамось, анокчись бороцямс народонь марто вейсэ минек родинань врагтнень каршо. Эряви, штобу те большевикень пек вадра качествась улелель Якстере Армиянь, минек Якстере Флотонь миллионтнень ды миллионтнень ды Советской Союзонь весе народтнень достояниякс.

Минек эряви нейке жо аравтомс весе минек роботанок военной ладе, весементъ подчинить фронтонь интерестнень ды врагонть громамонзо организовамонь задачатненень. Советской Союзонь народтнэ неить ней, што германской фашизмась неукротимой эсензэ азаргадозь кежсэнзэ ды а вечкемасонзо минек родинанть, кона макссь весе трудиятнень свободной труд ды благосостояния. Советской Союзонь народтнень эряви стямс врагонть каршо эсь праванзо, эсь моданзо ванстомо.

Якстере Армиянтень, Якстере Флотонтень ды Советской Союзонь весе граждантнень эряви аштемс Советской модань эрва панксентъ кис, верень меельсэ петняксокс туремс минек оштенень ды велетнень кис, невтемс смелость, инициатива ды сметка, конат свойственнойть минек народонтень.

Минек эряви организовамс Якстере Армиянтень весементъ ёнксонь лездомонть, обеспечамс сонзэ рядтнень виевгавтозв пештямонть, обеспечамс весе эрявиксэвть сонзэ снабжениянть, организовамс войска марто ды военной груз марто транспортнень бойкасто молеманть, равязтнень покш лездомонть.

Минек эряви кемекстамс Якстере Армиянь тылэнзэ, подчинить те тевень интерестнень весе эсенек роботанок, обеспечамс весе предприятиянень виевгавтозв роботаст, тейнемс седе ламо винтовкат, пулеметт, орудият, патронт, снарядт, самолетт, организовамс заводтнень, электростанциятнень, телефонной ды телеграфной связень ванстомаст, ладямс таркатнесэ противовоздушной оборонанть.

Минек эряви организовамс пощадавомо бороцямо тылэнзэ эрва кодат дезорганизируютнень каршо, дезертиртнень, паникертнень каршо, кулянть нолтничиятнень каршо, истожакшномс шпионтнень, диверсантнень, вражеской парашютистнень, макнемс весе те тевезанть бойкасто лездемо минек истребительной батальонтнень.

Оборона Государственной Комитетъ Председатель И. В. Сталинъ радио вельде выступления 1941 иень июлень 3-це чистъ (П Е З Э)

Эряви кирдемь мельсэ, што врагось коварной, хитрой, опытной маньчема-сонть ды аволь виде кулятнень полт-немасонть. Эряви весе тень ловомс ды а максомс прянтъ провокацияс. Эряви сеске жо максомс Военной Трибуна-лонь судс весе сэтнень, кить эсест паникерствасонть ды трусовьсэст ме-шить оборонань теветень, киньгак лангс апок вано.

Якстере Армиянь частнень вынуж-денной потамост пингстэ эряви сайнемс чугунокань кинь весе подвижной соста-вонть, а кадномс врагонтень вейкеяк паровоз, вейкеяк вагон, а кадномс про-тивниконтень вейкеяк килограмма кши, вейкеяк литра горючей. Колхозникт-ненень эряви панемс весе скотинаст, максомс скорост ванстома государствен-ной органднень тыловой районтнэс сонзэ усоманзо туртов. Весе литней имуществанть, тень ютксо цветной металлнень, сюронть ды горючеенть, кона не может улемс ускозъ, эряви безусловна истожакшномс.

Врагонтъ кедьс саезь районтнэсэ эряви создавать партизанской отрядт, ластеть ды ялгот, создавать диверсион-ной группат вражеской армиянь част-нень каршо бороцямонть туртов, свал ды эрва косо партизанской вой-нань кирвастеманть туртов, сэдтнень, китнень сезнеманть туртов, теле-фонной ды телеграфной связень ко-ламонтъ туртов, виртнень, складтнень, обозтнень пудтамонтъ туртов. Саезь районтнэсэ тейнемс невыносимой усло-вият врагонтъ туртов ды сонензэ весе лездыцтнень туртов, преследовамс ды истожакшномс сынет эрва эскельс-сэнтъ, колцеме весе сынет мероприя-тияст.

Фашистской Германиянтъ каршо вой-нанть нельзя ловомс обычной войнакс. Сон ашти аволь аныяк войнакс кавто армиятнень ютксо. Сон теке марто ве-шкасто ашти весе советской народонть великой войнакс немецко-фашистской войскактнень каршо. Фашистской угне-тательтнень каршо те всенародной оте-чественной войнантъ целекс ашти аволь аныяк опасностень истожамосъ, кона ашти минек масторонтъ великссэ, но Европань весе народтнэненъ лездамось-как, конат майситъ германской фашиз-мань игонтъ ало. Те освободительной войнасонть минь а ульдыно ськамонок. Те великой войнасонть минек кармитъ улемс верной союзникенек Европань ды Американь народтнэ, тень ютксо германской народосъ, конань поработи-ли гитлеровской заправилатне. Минек

отечественанть свободанзо кис минек войнась вейсэди Европань ды Амери-кань народтнень эсест независимос-тест, демократической свободаст кис бороцямонть марто. Те карми улемс единой фронт народтнень, конат аш-титъ свободанть кис Гитлерань фашист-ской армиятнень ёндо поработени-янтъ ды поработениань угрозынтъ кар-шо. Тень кувалма Великобританиянь премьеранть Черчилль господинанть исторической выступления Советской Союзонтень лездамо до ды США-нь пра-вительстванть декларациязо анокчи-дентъ максомс лескс минек масторон-тень, конат могут теветемс аныяк бла-годарностень чувства Советской Сою-зонь народтнэнь седейсэст, — аштитъ допрок чарькодевиксэкс ды показате-льнойкс.

Ялгат! Минек виенек певтеть. Зазнавшейс врагось должен ули ку-рокето убедиться теньсэ. Якстере Арми-янтъ марто вейсэ войнантень стяж-ныть ламо тыщат робочейт, колхоз-никт, интеллигенцияс врагонтъ каршо, кона каявсь минек лангс. Стичь минек народонь миллионной массатне. Моско-вонь ды Ленинградонь трудиятне ушодеть уш Якстере Армиянтень лез-дамос ламо тыщань народной ополче-ниянтъ созданиянтень. Эрва ошсонть, конанень грози врагонтъ нашествиянь опасностесь миненек эряви создать ис-тямо народной ополчения, кепедемс бо-роцямос весе трудиятнень, штобу эсе-нек мештьсэ защищать эсенек свобо-данть, эсенек честентъ, эсенек роди-нанть — минек отечественной войнасонть германской фашизманть каршо.

СССР-нь народтнень весе виест бой-касто мобилизовамонь целтнэсэ, вра-гонтень отпоронь теемань кис, кона вероломнойстэ каявсь минек роди-нанть лангс, — созданной Оборонань Государственной Комитет, конань кедь-сэ ней ашти государствасонть целанек весе властесь. Оборонань Государствен-ной Комитетсэ кундасэ эсензэ роботан-тень ды терди весе народонть кеместэ араме Ленинань — Сталинань парти-янтъ перька, Советской правительств-ванть перька Якстере Армиянтень ды Якстере Флотонтень самоотверженной лездамонть туртов, врагонтъ громамон-зо туртов, победанть туртов.

Весе минек виитнень — минек геро-ической Якстере Армиянтень, минек славной Якстере Флотонтень лездам-сэ! Народонь весе виитнень — врагонтъ громамос!

Икелев, минек победанть кис!

Советской информационной бюронть пельде (Чокшнень сообщениясь)

Июлень 2-це чинть перть минек вой-скактне ветяеть пек покш ды виев бойтъ противникень пехотной частнень кар-шо Мурманской ды Кексгольмской на-правлениятнэсэ ды противникень подвиж-ной войскактнень каршо Двинской, Бо-рисовской, Слуцко-Бобруйской ды Луц-кой направлениятнэсэ.

Фронтонь остатка направлениятнэсэ ды участкитнэсэ советской войскактне, кеместэ кирдсть государственной гра-ницантъ ды ветяеть бойтъ противни-кентъ каршо, кона снартнэсэ коламс сонзэ.

Мурманской направленисонть минек войскактне, Средний полуостровонть лангс ды юго-востоков противникень малав кавто пехотной дивизиятнень наступленияст лоткавтось, толсо ды контрударсо тейнитъ сонензэ покш по-ражения.

Куоляярвинь районсонть ды Карель-ской перешейкасонть минек войскактне успешнойстэ отражают противникентъ весе атаканзо сонзэ туртов покш ёмакс марто.

Двинской направлениясонть чинь ом-боде пелькстанть ушодоветь минек вой-скактнень покш бойтъ противникентъ каршо, кона снартнэсэ эцеме северо-востоков. Бойтне яла молить.

Борисовской ды Слуцко-Бобруйской направлениятнэсэ чинть перть мольтъ минек войскактнень пек виев бойтъ про-тивникень подвижной частнень каршо.

Противникентъ эцемань снартоманзо тапсевить минек войскактнень виев со-противленияст ды минек авиациянтъ успешной действиясонзо.

Луцкой направлениясонть минек вой-скактне яла ветить пек покш ды виев бойтъ Ровнонь районсонть. Противни-

кесь эзинзэ лоткавто снартоманзо эцеме юго-востоков, но эрва косо сонзэ снар-томатне тапсевить минек войскактнень стойкостьсэст ды виев сопротивления-сост.

Минек авиациясь чинть перть тейсь зарья пек виев вачкодкст противни-кень танковой частнень ланга Луцкой направлениясонть ды бомбардировизе Бухарестанть. Бомбардировканть ре-зультатсо сезезь бухарестской арсенал-лось.

Северной флотонь кораблятне ды авиациясь лездыть Якстере Армиянь войскактнень противникень войскакт-нень ланга вачкодкссэст. Воздушной бойтнэсэ военно-морской авиациясь та-пась неприятельской 5 самолетт.

* Н. районсонть противникень тан-кань группанть удалась эцеме минек передовой частнень расположенияст трокс ды совамс тылзв. Эцезевъ вра-гонтъ каршо ульнестъ кучозь советской танкаст. Столкновениясь теветъ моле-мстэ. Вирьга ютыця кись эзъ максе маневрировамонь возможность. Побе-дась аштесъ исключительна бойкачнтъ ды решительностентъ эйтэ. Васенцекс ушодеть тол младшей лейтенантонть Меренковонь икельсэ молиция танкас. Фашистской колмо машинат ульнестъ ливтезъ стройстэ. Противникесь, исто-жазъ танкактнень экипс кекшнезевъ, пек бойкасто тусь удалов. Те бойсэнтъ уль-нестъ ёмавтось вейке советской танка.

* Минек стрелковой частне Белорус-сиянь Западной районтнэсэ пехотанть эйтэ керявозь немецкой мотомехани-зированной частнень каршо бойтнэсэ ливтнень стройстэ сядот вражеской танкаст. Н-ской стрелковой полконь боецтнэ, артиллерийской ды инженер-ной противотанковой средстватнень мар-то ве шкасто, танкактнень истожамонтъ туртов успешнойстэ тевс полдыть горю-чей состав марто бутылкат ды ветаркас сжолмазъ ручной гранататнень. Подраз-делениятнэсэ вейкесь, конаньсэ коман-дови Морозов капитаносъ, колмо чинь перть ливтезъ стройстэ противникень 16 танка.

* Н-ской частнень кавалерийской эс-кадроносъ получасъ приказ — истожамс фашистской десантонть. Алашаст ланг-сто валгозъ, кавалеристнэ кекшсть ро-ща экипс. Кодак аныяк диверсантнэ пач-кодеть рощатнень малас, кавалеристэ анокстась сабляст марто бойкасто ка-явсть врагонтъ лангс. 150 ломаньстэ фашистской десантонть пельксэзэ уль-нестъ керсезь, пельксэзэ саезь пленс.

* Фронт маласо полосасонть совет-ской патриотнэ самоотверженнойстэ лез-дыть Якстере Армиянтень кунцем гер-манской парашютистнэнь. С ошсо, ко-на ульнестъ веть бомбардировазь, эри-цятне кундасъ диверсант, кона раке-тасо сигнализировась самолетнэненъ, невтнэсэ важной военной объектанть аштема тарканзо. Колхозниктне чинь чоп ды веньберть дежурить вышкат-нень лангсо, пштитсь ваньтъ воздухонть мельга. Велень эйкакштне аравтиянтъ кекшезъ постъ полянатнень мельга вано-манть туртов, козонь могут валгемс ди-версантнэ.

* Паровозсонть, кона усксь экстрен-ной маршрут, лондадсь топкань колос-никтнень удале рядосъ. Вете част эрявсть ремонтонть туртов. Н-ской де-понь робочесъ И. С. Сигаев, начтн-

зе одижанзо ведьсэ, лаз ланга эцесъ топкантень, айкшинзэ палыця уго-лянтнень ве енов ды аравтынзэ стака ды калывозь колосниктнень тарказост. 40 минутань ютазъ составосъ тусь наз-начениянь станциянтъ ёнов.

* Сеня К., Житомирской электростан-циянь начальникень церась, кона участвовась пионерань цепсэнтъ, кона ютнэсэ виев таркава. Вирьсэнтъ сон вастсь апок сода ломань, кона кармасъ кевстнэме цёрынентъ косо ашти неф-тебазасъ ды паровозной депосъ. Апок сода ломанентень депонтъ невтеме ал-тазъ, Сеня ветизе диверсантонть посто-вой милиционернэнь.

* Лондонской Гайд парксонть уль-нестъ массовой митинг, кона ютась ис-тямо лозунг ало: «Советской народонть бороцямозо ашти минек бороцямокс. Советской Союзонтъ марто полной сот-рудничестванть кис». Эсест резолюция-сост митингень участниктне сюдуть фашистской агресортнэнь ды привет-ствовать «премьер министронтъ яволя-томанзо седе, што Советской Союзон-тень ули максозъ эрва кодамо техни-ческой ды экономической лескс. Совет-ской Союзонь ды Англиянь народтнэнь ули общей целест: громамс фашиз-манть ды теамс основа кеме мирэнтъ туртов». Английской железнодорожники-тне резолюциясост ды Лондонсо совет-ской посольстванть лемс сёрмасост ку-чить СССР-нь народанэнь сехте пси приветствият, сёрмадыть седе, што «великой Советской Союзонь доблестной армиясь лоткавтсь ды неизбежна пань-сы мекев фашистской орданть». Исландиясто сёрмасост трудиятне ёвтыть кемема сенсэ, што Якстере Армиясь «теи успехт германской фашизманть предательской нападениянзо эйтэ Со-ветской Союзонтъ ванстомасонзо ды, лия мастортнэсэ демократиянь виитнень марто вейсэ, пингедэ-пингес тапасы фашизманть, — человеческой прогрес-сэнъ ды свободань покштокъ покш элонтъ».

* Кодак репрессиятнэсэ фашист-нанень а удалякшны глушамс Евро-пань поработенной мастортнэсэ нацио-нально-освободительной бороцямонть ды героической Советской народонть тру-диятнень симпатияст. Северной Норве-гиясо фашистнэ тейсть кавто од кон-центрационной лагерть, конатнес па-незъ зарья тыща норвежецт, конат сочувствовитъ СССР-итень. Норвегиясо нолдтневить пек ламо патриотической листовкат ды подпольной газетат, ко-нат нолдзъ Норвежской народонь сех-те кежев врагнтнень каршо — немецкой фашистнэнь каршо.

* Германской пропагандасъ пек виев-стэ шумазь пачтась аволь умок седе, што, будто бу, весе европейской мастортнэсэ формировавить доброволе-цань корпус Советской Союзонтъ кар-шо бороцямонть туртов. Кода эрявсь учомскак, «добровольцтнэнь» вербов-канть коряс те кампаниясь позорной-стэ лондали. Фашистской вербовщиктне-нень шантажонть ды вийсэ кармавто-манть вельде удалякшны формировамс уголовной преступниктнэсэ «доброво-лепань» ничтожной группинетъ. Истя, шведской газетатне публиковизъ «доб-роволепань» шведской корпусонь сою-зонь комиссиянтъ яволятоманзо, ко-наньсэ лововкшны, што допрок нельзя «организовамс самостоятельной швед-ской корпусонть». Те комиссиясь вер-бовась сядодо аламо «доброволец».

Панжить эйкакшонъ яслят

Отечественной войнаь васенце чист-энтъ жо Чиндянова велень колхозник-тне сайсть эсь лангзост обязательст-ва шкадо икеле ды вадра качества марто прядомс сюронь урядоманть.

Цёрань роботатнэсэ кармитъ роботамо ламо ават. Нетъ читнэстэ панжить эй-какшонъ яслят, косо кармитъ улемс

47 эйкакш. 47 ава получить возмож-ность самоотверженна роботамс паксёсо.

Н. Никитин.

Дубенской р-н.

Отв. редакторсь А. ЩЕГЛОВ.

Заказ № 3051.